

丹名玉集

卷四
芥不章

明新安休邑後學孫文胤對薇父叅著

嵎峨縣今友生游士進旂楊父較正

平湖縣庠盟弟俞允昌爾迪父

全閱

古歙盟弟程文伸德超父

諸血門

吐血

便血

尿血

血汗

血潛

鼻血

五竅出血

血乃水穀之精化於脾生於心藏於肝佈於肺施於

腎善調攝者不妄作勞則血之運於身者無一息之

停自然肌膚潤澤筋脉和暢何病之有後生少年輩

恃其壯盛。恣情酒色。而貧窮勞苦之人。又不暇自惜。涉遠負重。奔走於衣食。而無日夜之安寧。其能不傷於血乎。傷於上部。則胃臆痛。傷於中部。則兩脇中脘痛。傷於下部。則小腹痛。由是吐血。衄血。便血。尿血。之病作矣。夫吐血與衄血無異。但所由之經不同。而要之皆累於脾也。脾能裹血。不能使血之不升。胃火上蒸。則血從口出。肺火上騰。則血從鼻出。然有輕重之差焉。衄血太甚。始於吐血。無異不甚不足爲慮也。至於吐血。雖不甚。而實爲可畏。用藥者其可以混施耶。

夫吐血固甚於衄血矣而就其吐血言之則亦自有輕重如一咯一塊者胃口血也其所從來者近痰中見血色如瑪瑙而成塊者亦胃口血也其所從來者亦近二者勢若可畏而猶可調理法當任其自出又必看其色不鮮者舊血也勿以藥止之其色鮮者新血也所積者必不甚多宜以藥止之蓋舊血終不歸經不任其自出及於增劇新血終當歸經若所出者多則損人矣故宜藥止之以引血歸經此皆可以調理而愈者也若痰中見血或一點之小或一絲之細

語其勢若無可畏。而病根反深。此血非胃口之血也。乃從肺臟中來。肺爲虛火所逼。血從痰出。故也。其所以少者何也。蓋肺臟以氣爲主。本多氣而少血。是以所出者亦少也。肺臟之血本少。又火逼而出之。則肺以枯而無以領一身之氣矣。所害不亦大乎。至於五竅出血者。勢如潮湧耳目口鼻一齊逆流。藥不及煎。針不及下。豈在頃刻間。此猶血症之至極者也。醫者豈可無急治之法。若夫滲入腸間。從下部而出。則爲腸風。爲臟毒。爲溺血。其病易治。非若上焦之血也。又

有從汗孔出者。爲肌衄。從舌出者。爲舌衄。從委中穴
出。爲腠血。皆有治法。諸血見若身熱脉大者。難治。是
火邪熱甚也。身涼脉淨者。易治。是正氣復也。治法未
見血。則宜消。宜和。既見血。則宜涼。宜止。舊血未盡。則
化其血。新血未盡。則補其血。因其勢之輕重。而爲緩
急之施。則無不中矣。若婦人崩漏。女子月信。則自見
本科。而此不及載云。

脉云

失血之症。脉皆見芤。芤在何經。血亦從何經。只宜芤

細不宜浮大。訣云。鼻衄吐血沉細宜。忽然浮大必傾危。

立方

涼血抑火湯 治吐血衄血初起。氣盛上逆不能下

降歸經。

當歸

赤芍 各二錢

大黃

三錢

黃芩

黃連

丹皮

生地

川芎

各一錢五分

燈心三十莖。臨服加藕汁半杯。

必勝飲

治男子婦人血妄流瀉。或吐或咳。衄血并

皆効驗。

生地

當歸 各三錢

川芎

蒲黃 炒黑 二錢

小薊 取汁半酒杯

加烏梅五箇空心服

茜根散 治吐血衄血。錯經妄行。并婦人月信不也

茜草

阿膠 各二錢 蛤粉炒

側柏葉 炒過 一錢

生地

甘草 黃芩 各一錢 五分

加童便半酒杯溫服。

犀角地黃湯

治怒氣傷肝。積熱不散。鬱於經絡。隨

氣湧泄。爲吐血衄血便血等症。并各經宜加錄後。

懷生地

犀角

丹皮

赤芍

各二錢

加童便半杯空心服

心經血加麥冬黃連

肝

經血加青皮黃芩

脾經血加百合白芍

肺經

血加百部天冬山梔

腎經血加知母黃柏玄參

青蒿

膽經血加柴胡竹葉

胃經血加乾葛大

黃

心胞絡血加茅根丹皮

大腸經血加槐花

地榆

小腸經血加山梔側柏木通

膀胱經血

加茅根牛膝

三焦血加地骨皮連翹

吐血不

正陳棕灰炒黑荆芥穗。蓄血不消加桃仁大黃

回生丸 治血熱妄行吐咯不止

生栢葉 生荷葉 生地黄 生艾葉各等分

西味共搗極爛丸如次實大每一丸白滾湯下

保真神應丸 治男婦吐血咳嗽氣喘痰涎壅盛骨

蒸潮熱面色痿黃日晡面熾睡臥不寧服之神效

遼五味揀淨一觔 杜仲薑汁炒 阿膠

白朮各二兩 貝母 白茯苓 花椒目

荷葉煨灰存性 懷生地各四兩用栢子仁三錢砂仁 三錢絹袋盛之入生地同煮

揀去桐子

仁砂仁

右爲末。以黑棗肉同地黃汁搗爲丸。每服三錢。空心白滾湯下。

急濟飲 治吐血如泉之甚。一服立止。

小薊 搗汁

潼便

磨暴汁

藕汁

各半 鍾

沉香 磨一錢

作三次緩緩呷下

神寶飲 治風邪入於胃經下血鮮紫。及腸胃熱毒

下如豆汁。

蒼朮

白朮

人參各五錢

茯苓

當歸

白芍

川芎

槐角炒黑各錢五分

升麻一錢

水煎食前服。

槐花散 治腸風臟毒下血

扁栢葉炒黑槐花

枳殼麥炒

荆芥穗炒黑等分

右為末。每服三錢。空心白滾湯下。

對金飲 治大腸下血

黃連

槐花

蒼朮各一錢二分

甘草

白朮

厚朴

枳殼

陳皮

藿香

當歸各一錢

升麻八分

水煎食前服。

栢灰散 治臟毒下血諸藥不効。

側栢葉

取發春東夏南秋西冬北煇灰存性

每服二錢空心滾湯調下。

仙露飲 治小便出血。

生地

蒲黃

黃連

各二錢升麻八分

小薊

旱蓮草

川芎

各一錢

水煎空心服。

又方

當歸

川芎

名錢五分

益母草

阿膠

人參

劉寄奴

龍膽草

荊芥穗

名二錢

水煎溫服。

固元湯

治血從毛孔中出。名曰血汗。此元氣不足。

人參

五味子

各五錢

黃耆

甘草

棗仁

各二錢

水煎溫服。

又方 治血汗初起

人中白 二錢 人參 一兩 麝香 半分 臨服加入

水煎溫服。

聖秘散 治偶然抓傷血絡血出不止名曰血潛若

不急救血盡即危。

糞桶箍 服灰三錢 胎髮 服灰一錢 煮酒餅上紙 煨錢

右為末和勻搽上即止再服犀角地黃湯 方見前

寸金散 治鼻血不止。

黃藥子 五錢 土馬碯 五錢 有足者生

生甘草 一錢

右爲末。每服二錢。新水調服。

又方 伏龍肝半升。以井花水大碗。淘取汁和頓服。

又方 韭汁飲之。立止吐血亦妙。

又方 頭髮燒灰。吹入鼻中。卽止。

五竅出血。以井花水當面連噴幾日。急分開頭髮用。

草紙數層蘸醋入透。搭在顙門。其血卽止。

諸虛門

諸虛先要辨陰陽。血陰而氣陽也。有暴虛而無傷損。

者易復。有虛而虧損者。亦可補益。惟久虛而傷壞者。必保養。僅可半愈。多汗又形肥而面浮白者。陽虛形瘦而面蒼黑者。陰虛。男子久病氣口脈弱則死。強則生。女人久病人迎脈強則生。弱則死。虛症必食少。神昏。遺精。潮汗。痰嗽。腰背。胃脇。筋骨痛。但見一二症。便是陽損。自上而下。一損於肺。則皮聚而毛落。二損於心。則血脈虛少。不能榮於臟腑。婦人月水不通。三損於胃。則飲食不能消。尅不爲肌膚治。宜辛甘若淡。於胃則不可治矣。陰損自下而上。一損於腎。則骨痿不